

ALMENNIR INNKAUPA- OG GREIÐSLUSKILMÁLAR

Skilmálar þessir gilda fyrir Landsnet hf. og birgja þess hvað varðar innkaup.

Allir birgjar sem Landsnet verslar við skulu vera skráð í fyrirtækjaskrá Ríkisskattstjóra.

Allir birgjar sem Landsnet verslar við skulu standa í skilum **með opinber gjöld, lífeyrissjóðsgjöld og önnur lögboðin gjöld.**

Birgjar geta verið krafðir um að skila staðfestingu þess efnis einu sinni á ári. Ef birgjar uppfylla ekki þessar kröfur verða þeir ekki hluti af samþykktum birgjum Landsnets. Landsnet stundar einungis viðskipti við samþykktu birgja.

1. ALMENNT UM INNKAUP OG INNKAUPAPANTANIR

1.1 Öll innkaup hjá Landsnet hf. fara fram með innkaupapöntunum eða samning sem hefur verið gerður.

1.2 Án innkaupapöntunar eða samnings geta birgjar ekki verið vissir um að heimild sé fyrir innkaupunum. Birgjar sem afhenda vörur án innkaupapöntunar eða tilvísunar í hana geta búið við að vörur verði endursendar í því ásigkomulagi sem getur leitt af notkun vörunnar og greiðslu hafnað.

1.3 Innkaupapöntun gildir aðeins fyrir það magn og þær vörur sem tilteknar eru og hafa ekki samningsgildi umfram það, nema annað sé sérstaklega tekið fram.

2. UPPLÝSINGAR Á INNKAUPAPÖNTUNUM

2.1 Innkaupapöntun á vöru skal tilgreina:

- Vörutegund
- Fjöldi eininga
- Einingaverð, heildarverð pöntunar og flutningskostnað þar sem það á við
- Afhendingartíma og afhendingarstað

2.2 Ef upplýsingar um vörur, verð, afslætti eða annað sem fram koma á innkaupapöntunum eru ekki réttar skal hafa samband við fjármálasvið Landsnet hf. sem annað hvort leiðréttir eða fellir niður innkaupapöntunina.

2.3 Hver innkaupapöntun hefur sértækt 8 stafa númer og er vísað til þess í þessum skilmálum sem pöntunarnúmer.

3. AFHENDINGARSTAÐUR OG SKILMÁLAR

3.1 Vörur skulu afhentar á þeim stað sem tilgreindur er í innkaupapöntuninni. Ef vörur eru afhentar á Gylfaflöt er tekið á móti vörum milli kl. 10-12 á þriðjudögum og fimmtudögum. Vörumóttaka verður við rampinn fyrir framan húsið (ekki í portinu). Sé mælt fyrir um flytjanda á innkaupapöntuninni skal birgir, nema annað sé tekið fram, afhenda vörur á næstu

flutningastöð þess flutningsaðila. Landsnet hf. greiðir ekki fyrir flutning á flutningastöð, þökkunarkostnað, seðilgjöld, afgreiðslugjöld.

3.2 Ef vörur eru ekki afhentar á tilgreindum stað áskilur Landsnet hf. sér rétt til að innheimta hjá birgja allan þann auka kostnað sem fyrirtækið kann að verða fyrir vegna þess, og draga frá greiðslu fyrir vörurkaup.

4. AFHENDINGARTÍMI

4.1 Afhendingartími sem tekinn er fram á innkaupapöntunum er miðaður við þann afhendingarstað sem þar kemur fram. Ef afhendingartími er ekki tilgreindur á innkaupapöntum skal birgir upplýsa um afhendingartíma í pöntunarstaðfestingu.

5. PÖKKUN OG MERKINGAR

5.1 Birgi ber að búa um og pakka vörum á þann hátt að þær hvorki skemmist né rýrni við flutning á áfangastað.

5.2 Alla pakka verður að merkja Landsnet hf. ásamt pöntunarnúmeri og einnig skal fylgja með vörum afrit af reikningi og/eða pakklisti þar sem verð og innihald koma fram.

5.3 Ef um er að ræða hættulegar vörur, verða þær að vera í viðeigandi pakkingum og merktar í samræmi við þær reglur sem um það gilda. Birgjum ber að útvega öryggisleiðbeiningablöð á íslensku.

6. GREIÐSLUSKILMÁLAR

6.1 Landsnet hf. greiðir reikninga vegna innkaupa 30 dögum eftir úttektar mánuð, að því gefnu að reikningar berist eigi síðar en á fimmta degi hvers mánaðar.

6.2 Gjaldmiðill reikninga skal vera íslenskar krónur nema um annað sé samið. Reikningar í íslenskum krónum skulu ekki innihalda aura.

6.3 Pöntunarnúmer verður að koma fram á öllum reikningum. Sérstakur reikningur skal vera fyrir hverja pöntun.

6.4 Upplýsingar um banka og reikningsnúmer viðtakanda greiðslu verða að koma fram á reikningum. Ef einhverjar breytingar verða á upplýsingum hjá birgja s.s. á kennitölu, bankareikningi o.þ.h. vinsamlegast hafið samband við fjármálasvið Landsnets hf. netfang: bokhald@landsnet.is

6.5 Landsnet greiðir ekki seðilgjöld eða önnur sambærileg gjöld, sama hvaða nafni þau nefnast.

6.6 Landsnet tekur á móti rafrænum reikningum. Ef sendur er rafrænn reikningur skal senda tilkynningu þess efnis á bokhald@landsnet.is.

6.7 Ef reikningur er seldur til þriðja aðila, t.d. innheimtufyrirtækis, þ.a. reikningurinn greiðist ekki til þess sem sendir þá skal kröfuhafi láta sérstaklega vita að því á bokhald@landsnet.is.

6.8 Skortur á framangreindum upplýsingum getur leitt til þess að greiðslur dragist og komi til þess ber Landsnet engan kostnað af slíkum drætti.

7. ALMENNAR UPPLÝSINGAR UM REIKNINGA

7.1 Reikningar á pappír skulu sendast til:

Landsnet hf.
Gylfaflöt 9
112 Reykjavík
Ísland

7.2 Reikningar sem berast á rafrænu formi (skannaðir inn) skulu sendir á bokhald@landsnet.is

7.3 Tilkynningar um rafræna reikninga skal sendast á bokhald@landsnet.is

8. SKILARÉTTUR Á VÖRUM

8.1 Landsnet áskilur sér rétt til að skila aftur vörum til birgja innan 30 daga frá afhendingu af því gefnu að vörurnar séu ónotaðar og í upprunalegum pakkningum.

8.2 Þetta á þó ekki við um vörur sem hafa verið sérpantaðar samkvæmt óskum Landsnet hf. nema vörurnar standist ekki þær kröfur og vörulýsingar sem birgjar höfðu lagt fram áður en pöntun átti sér stað.

9. TRYGGINGAR

9.1 Landsnet hf. er með heildartryggingu á vörum í flutningi frá afhendingarstað.

9.2 Landsnet greiðir birgja ekki sérstaklega fyrir tryggingu á vörum sem birgi flytur til afhendingarstaðar.

10. PÖNTUNARSTAÐFESTINGAR

10.1 Pantanir skulu staðfestar skriflega með tölvupósti á pantanir@landsnet.is innan eins virks vinnudags frá dagsetningu pöntunar.

11. HLUTAAFGREIÐSLA

11.1 Óheimilt er að afhenda hluta af pöntuðum vörum, nema með samþykki fjármálasviðs Landsnets hf. Í þeim tilvikum sem hlutaafgreiðsla fer fram án samþykkis Landsnets hf. telst viðkomandi afgreiðsla lokaafhending á pöntun og telst vera vanefnd pöntun.

12. ÞJÓNUSTUREIKNINGAR

12.1 Allir reikningar vegna framkvæmda eða viðhaldsverkefna sem berast til Landsnet hf. skulu hafa tilvísun í pöntunar- eða samningsnúmer. Gera skal sérstakan reikning fyrir hvert verk sem unnið er.

12.2 Reikningur verður ekki samþykktur nema að tiltekin fylgiskjöl fylgi reikningnum, s.s. samþykkt vinnutímaskýrsla, efnisskýrsla eða annað sem viðkemur greiðslu reiknings og er skv. samning.

12.3 Á reikningum skal sýna með skýrum og aðgreinanlegum hætti stofn fyrir vinnu eða efni og hlut virðisaukaskatts. Á reikningi skal ennfremur sundurgreina heildarkostnað vegna vinnu,

efnis og heildarfjölda vinnustunda. Gefa skal út sölureikning í þeim mánuði sem verkið er unnið.

13. VANEFNDIR

13.1 Birgi skal tilkynna Landsneti um fyrirsjáanlegar vanefndir á skyldum sínum samkvæmt innkaupapöntun og skilmálum þessum.

13.2 Vanefni birgjar verulega skyldur sínar samkvæmt innkaupapöntunum er Landsnet hf. heimilt að rifta innkaupapöntun.

14. ÓVIÐRÁÐANLEGAR AÐSTÆÐUR (FORCE MAJEURE)

14.1 Hvorugur aðili skal vera ábyrgur gagnvart hinum vegna vanefnda á skyldum samkvæmt innkaupapöntunum og þessum innkaupaskilmála, ef ástæður vanefndanna má rekja til óviðráðanlegra aðstæðna (Force Majeure).

14.2 Aðeins er hægt að lýsa yfir Force Majeure ef aðstæðurnar sem koma í veg fyrir efndir innkaupanna eru ekki vegna þess aðila sem lýsir yfir Force Majeure og hafa átt sér stað eftir að innkaupapöntun var gerð eða staðfest.

14.3 Til óviðráðanlegra aflu aðstæðna (Force Majeure) teljast m.a. styrjaldaraðgerðir, herseta, byltingar, uppreisnir, óeirðir, upppot, múgæsing, skemmdarverk, eldsvoði, flutningsbönn o.s.frv.

15. FRAMSAL

15.1 Innkaupapöntunum frá Landsnet hf. er óheimilt að framselja til þriðja aðila að hluta til eða í heild, án skriflegs samþykkis fjármálasviðs Landsnets hf.

16. VERÐBREYTINGAR

16.1 Allar verðbreytingar skal tilkynna með lágmark eins mánaðar fyrirvara til fjármálasviðs Landsnets hf.

17. ÖRYGGISKRÖFUR

17.1 Landsnet hf. gerir kröfu á að þeir starfsmenn birgja sem koma inn á vinnusvæði Landsnets hf. uppfylli allar kröfur um búnað m.a. öryggisfatnað, hjálma, gleraugu o.s.frv. Öllum birgjum ber að kynna sér reglulega „Öryggi og vinnuumhverfi“, sem hægt er að finna á heimasíðu Landsnets, www.landsnet.is

18. STARFSKJÖR

Birgi skal framfylgja lögum og reglum sem gilda um samskipti aðila á vinnumarkaði. Birgi skal tryggja og bera ábyrgð á að allir starfsmenn, hvort sem um ræðir starfsmenn birgja, undirverktaka eða starfsmannaleiga, fái laun og starfskjör í samræmi við gildandi kjarasamninga og lög þeirrar starfsstéttar sem fellur undir þeirra starfssvið. Ofangreint skal eiga við óháð lengd starfstíma starfsmanns. Undir starfskjörum eru m.a. sjúkra- og slysatryggingar og önnur umsamin réttindi sem kjarasamningur kveður á um.

Birgi skal geta sýnt fram á að öll réttindi og skyldur skv. ofangreindu séu uppfyllt. Birgi skal framvísa gögnum sem Landsnet telur nægjanleg til að sýna fram á að ofangreind réttindi og skyldur séu uppfyllt innan 10 almanaks daga frá þeim degi sem þess er óskað. Yfirlýsingar frá til þess bærum aðilum geta talist nægjanleg sönnun er eins og t.d. staðfesting viðkomandi stéttarfélags starfsfólks. Séu gögn ekki afhent innan þess tíma eða birgi getur ekki sýnt fram á að ofangreind réttindi eða skyldur séu uppfylltar er Landsnet heimilt að fjarlægja birgja sem samþykktan birgja Landsnets. Landsnet er heimilt vegna vangoldinna launa að halda eftir greiðslum og áskilur sér rétt til að ráðstafa greiðslum til þolanda/starfsmanns í samráði við viðkomandi stéttarfélag eftir því sem við á.

19. VARNARÞING

18.1 Ágreiningur sem kann að rísa vegna innkaupaskilmála þessara skal rekinn fyrir Héraðsdómi Reykjavíkur.

Skilmálar þessir gilda frá 1. janúar 2018 fyrir öll innkaup á vörum og þjónustu á Íslandi fyrir Landsnet hf., nýjustu útgáfu þessa skjals er ávalt að finna á www.landsnet.is